

Christliche Leichpredigt.

Meer vnd Trucken bewegen werde / Ja alle
Heyden wil ich bewegen / da sol denn kommen
aller Heyden Trost.

Zweyerley Objecta, meine Beliebten / lagen den
armen betrübtten Israeliten am wege / die sie sehr klein-
mütig vnd verzagt machten / vnd darwider allhie der
Prophet Haggæus seinen Trost richten muß.

Das erste Objectum war Moræ diuturnitas, daß
sichs mit der Zukunft des Herrn Messia in Fleisch/
nach ihrem sinne gar zu lange verzog. Denn ob sie zwar
mit grosser begierde vnd hertzlichem verlangen sun-
gen aus dem 45. Cap. des Propheten Esaiæ: *Rorate cœli
desuper, & nubes pluant iustum, Trensset ihr Him-
mel von oben / vnd die Wolcken regnen die Ge-
rechtigkeit / Die Erde thue sich auff / vnd bringe
Weyl / vnd Gerechtigkeit wachse mit zu.* Vnd aus
dem 64. Capitel: *O utinam dirumperes cœlos, &
descenderes, Ach daß du den Himmel zerrisset /
vnd herab führest / So wolte doch nichts draus wer-
den / Es liesse sich ansehen / als hette Gott seiner alten
Verheissung vergessen / es were ihr seuffzen / flehen vnd
bitten aller ding vergeblich vnd vmbsonst.*

Solcher ihrer Zaghaftigkeit vnd Kleinmütigkeit
begegnet nun der Prophet Haggæus, in dem er spricht:
*Adhuc modicum est, Es ist noch ein kleines dahin /
so wird der liebe Gott kommen / vnd sein Wort
vnd Verheissung erfüllen.* In seiner Sprach hats
eine besondere Emphasis, Denn do nimbt der Prophet
gleich ein Sandseygerlein / helts den Israeliten vor die

Augen.

Zweyerley
zagbilder an
der Zukunft
des Messia.

1.
Der lange
Verzug der
Zukunft des
Messia.

Esaiæ 45.

Esaiæ 64.

Trost wider
diese zaghaf-
tigkeit.

